

Ni Dangkaw A Mangnganup

Adda maysa nga agan-anup nga agnanaed idlay asideg ti bantay. Ti naganna ket Dangkaw. Agdindinamag ni Dangkaw iti kinalaingna nga aganup kadagiti nadumaduma nga ayup. Awan ti makaartap iti kaadu ti maan-anupna.

Maysa nga aldaw, nasapa a nagriing ni Dangkaw tapno aganup. Insaganana ti panana ket naanus a naguray iti maiwawa nga ayup. Di mabayag ket addan nakitana.

“Naggasatakon aya! Dakkel manen ti maiyawidkon,” kinunana ti bagbagina.

Nagin-innayad a naglemmeng ni Dangkaw iti likod dakkel a kayo ti narra tapno di masinga ti naanup nga ayup.

“Agyamannak iti Dios! Makalawas a taraonmi daytoyen,” siraragsak a kinunana iti bagbagina.

Idi mapannan alaen ti naanupanna, pagammuan ta nagparang ti maysa a nakapinpintas nga engkantada. Kasta unay ti buteng ken kigtot ni Dangkaw.

“Dimo kadi ammo a siak ti agay-aywan iti



dayta naanupmo nga ayup?" makapungtot nga inbaga ti engkantada.

"Gapu iti dayta nga inaramidmo, madusaka! Dangkaw. Manipud ita ket agnaedkan ditoy kabakiran," kinuna ti engkantada kenkuana.

"Ay, diak ammo, apo." insungbat ni Dangkaw.

Awan naaramidna no di agtungpal iti kayat ti engkantada.

Nanipud idin ket saanen a nakaawid ni Dangkaw idia y lugarda. Saanen a nakatalaw idia y bakir. Idia y en a nakipagnaed iti dayta nga engkantada. Isudan ti nagbalin a manartarawidwid kadagiti pinarsua idia y kabakiran. Mamati dagiti tattao a siasinnoman a mapan aganup idia y kabakiran ket makangkanggeg iti napigsa a timek. Senyal daytoy nga awan ti maanupna nga ayup. Agingga kadagitoy nga al-aldaw, mamati dagiti tattao nga agnanaed pay laeng ni Dangkaw idia y kabakiran kas manartarawidwid ken agbanbantay kadagiti ay- ayup.

